



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

4. Vbi alij desunt, Deum non deesse.

urn:nbn:de:hbz:466:1-45653

dis, quæ Dei sunt, omnia auxilia conquiram: sed ita, ut non in externis adiumentis spem meam, sed in ipso Deo bonorum omnium effectore constitutam putem. Quod si, inter hæc subsidia efficiendiq; instrumenta, se unum esse vult, libenter eo utremur: sed ita demum, si intelligat, nos ab uno Deo pendere, Deo non hominibus niti. Id vt faciamus omnes, multa nos exempla docent: è quibus pauca feligam.

III.

S. Ioan. Damascen. l. de Vita Barlaam & Iosaphat. Iacobo Billio Pruno interprete.

Atque in primis illud, quod D. Damascenus, ad Conseruatoris agnitionem, egregie explicat. Nam cum nauis, remoto Gubernatore, confistere nequeat, verùm statim pessum eat; nec villa, quantumlibet exigua, domus stare possit, nisi sit aliquis, qui ipsius curam gerat, quo nam tandem paclō mundus, opus usq; adeo ingens, atq; ita preclarum & admirandum, sine eximia aliqua, & ingenti atq; admiranda gubernatione, sapientissimaque prouidentia, tam diurno temporis spatio, constitisset? Ecce enim quantum iam temporis fluxit, ex quo cœlum est, nec tamen obscuritatem contraxit; nec terra vis tamen pariens elanguit; nec fontes, ex quo orti sunt, scaturire desiterunt, nec mare tot fluvios excipiens mensuram suam excessit; nec solis a clara cursus immutationem villam subierunt; nec diei ac noctis ordines inuersi sunt. Quod si Deus elementis adest, si terræ prouidet, si maria curat, si totam Mundi domum tam diu, tam accurate sustentat, Mundo ipso nec sentiente, nec pro se solicito; quid sperare poterit homo, cuius caussa & elementa, & totus hic orbis est creatus? Qui sepem curat, an hortum negliget? Qui sementi vigilat, num dormiet messi? aut pilum quam pellem pluris faciet?

I V.

Photius biblioth. cod. CXCVIII. Rosvveid. lib. 5. citat.

Cum autem tanquam cōmunis parens omnibus prouideat, maximè tamen curam gerit eorum, qui aliunde deseruntur. Laudat Photius Patriarcha Constantinopolitanus, *Sanctorum virorū librum*, Græco authore incerto conscriptum, in cuius libri septimi fine, apud Rosvveidum, senem iunior interrogat: Si fueris in aliquo loco, & nata fuerit mihi tribulatio, & nō habuero, cui me cōmittam, & indicem passionem animi mei, quid facio? Cui senex responderet: Crede in Deo, quia ipse mittet Angelum & gratiam suam, & ipse tibi est consolatio, si in charitate rogaueris eum. Quibus verbis addidit, audiisse se, in Scithi aliquando ciūscē rei hoc exemplum contigisse. Ibi enim Ascetam multis vexatum temptationibus, cum non haberet, cui vel animi tumultum aperiret, sedandūmque præberet, vel apud quem peccata confiteretur, sub noctem, iam cœpisse pa-

rare

rare sibi melotem suam, vt, orto die, statione deserta, migraret. Sed nocte media Gratiam Dei, habitu exquisitissimæ virginis, ei apparuisse, vetuisséque, ne inde latum vnguem discederet; sed secum, eodem loco, perseveraret: nihil enim illi mali euenturum: si desint homines, non deesse Deum. Perseuerauit, & illico mentem tranquillam accepit; non accepturus, si alibi quæsiuisset. Nempe cum illo sentire oportet, qui dixit: *Gratia Dei sum id, quod 1. Cor. 15. sum, & gratia eius in me vacua non fuit, sed abundantius illis omnibus 10. laboravi: non ego autem, sed Gratia Dei mecum: quæ tanto plus operatur, quanto plus momenti habere creditur: credit autem is magis, qui humanis viribus fudit minus.*

Appositè hīc recenseri potest, quod lepidè gestum idoneus author scribit, de Aleyde prudentissima *Vallis-Ducis* Abbatissa. Clarissimus Brabantiae Dux Henricus huius nominis secundus, filia Margaritæ, in Brabantia, nobile cænobium *Vallis-Ducis* dictum exædificarat, ordinique Cistertiensi sacrum esse voluerat. Ei cænobio prima præfuit Aleydis prisci & integri moris, vt & stemmatis, femina, cui neque ingenium defuit, neque virtus, neque linguae gratia, aut lepos loquendi. Hoc cænobium, vt de more visitaret Guilielmus Villariensis, postea Clareuallensis Abbas, friolas Monialium, contra eam, & planè muliebres de nihilo querelas exceptit. Querelarum grandissima erat, quod Antistita fratribus Dominicanæ & Franciscanæ familiæ hospitio acceptis vinum atque pisces apponeret; tunicas quieturis mundulè lotas præberet, pedesque eorum calida iuberet ablui: quæ tamen *omnia non faceret Monachis sui ordinis, cum venirent, quibus utique pareret, liberaliorem curam impendere.* Audijt hanc sui accusatiōnem prudens & ingeniosa mulier, atque modestè subridens licentiam petijt respondendi. Qua obtenta: Vera, inquit, sunt, de quibus accusor, negare non possum; possum tamen excusare, si causam rationēmque volunt audire sorores meæ. Prædicatoribus & Minoribus fratribus, vinum & pisces, cum possum, largior: siquidem illi pecunia destituti talia sibi emere nequit: *vestris autem Monachis id ipsum non facio, quia egredientibus, ut confido, & scio, datur pecunia, unde possunt emere & habere.* Fratribus, qui pedibus conficiunt iter, cœnoque lutati ac lassitudine pleni, apud me diuertunt, tunicas, vestesque linteas non obsoletas suppedito, vt nocte commodiùs quiescant: *Monachi autem nostri equites vadunt.*

K

& in

V.
Thom. Can-
tipratanus I.
Apum. 2. c.
10. §. 8.